

Expediente Contratación : 2024/001-P2

**PREGO DE CLAÚSULAS ADMINISTRATIVAS E TÉCNICAS PARA A CONTRATACIÓN DUN
SERVIZO DE ALMACENAMENTO DE INFORMACIÓN E TRABALLO COLABORATIVO**

Antecedentes.-

O Galp Costa Sostible con CIF: G70196225 e domicilio social en Curro da Praza 1, 15250 Muros, é unha entidade colaboradora da Consellería do Mar para a xestión da prioridade 3 do FEMPA, e está suxeita ao convenio asinado con esta entidade para a xestión destes fondos. Dito convenio ten por obxecto establecer as regras que deberán aplicar ambas partes na xestión de Estratexia de Desenvolvemento local participativo, e en particular as funcións e obrigas que asume o Galp como entidade colaboradora da Consellería do Mar.

Asemade, os GALP terán en conta as instrucións, que emita o Organismo Intermedio de Xestión, en materia de contratación (OIX, en adiante), neste caso a Instrución 1/ 2023 sobre os procedementos de contratación dos Galp do 21 de xuño.

A execución do FEMPA require a adaptación da contratación dos GALP, como entidades colaboradoras á normativa de contratación pública da Unión Europea, concretamente á Directiva 2014/24/UE sobre contratación pública e á Lei Nacional 9/2017, do 8 de novembro, de Contratos do Sector Público, pola que se traspón ao ordenamento xurídico español das Directivas 2014/23/UE e 2014/24/UE.



Grupos de Acción Local
do sector Pesqueiro
Seo de Fisterra Ría de Muros-Noia:
Costa Sostible



Cofinanciado pola
Unión Europea

Prego de prescricións administrativas

Entidade contratante.-

Galp Seo Fisterra Ría Muros Noia Costa Sostible.

Obxecto do contrato.-

Implantación da solución Cloud para almacenamento de información, traballo colaborativo, e servizo de mantemento informático.

Tipo de contrato.-

Contrato de servizos segundo prescricións técnicas.

Lotes.-

Esta contratación non está dividida en lotes. Pola natureza continua dos traballos a realizar, a súa división e posible contratación con distintas empresas podería ocasionar dilacións, e incumprimento de prazos o que dificultaría o normal funcionamento do servizo e o importe de contratación, de contía non elevada, non restrinxen o acceso a pequenas e medianas empresas.

Requisitos de solvencia.-

Só poderán optar ao proceso de adxudicación aqueles licitadores que cumpran os seguintes requisitos:

Os distintos adxudicatarios acreditarán a súa solvencia técnica de xeito que quede latente a súa capacidade para desenvolver o servizo, acreditando experiencia no obxecto de contrato durante un mínimo de tres anos. Dita experiencia acreditarase cun certificado emitido polos clientes ou entidades onde se implantara este servizo.

Acreditarán a súa solvencia económica para desenvolver o contrato mediante declaración responsable onde consta o volume da cifra de negocios nesta actividade durante os tres últimos anos, sendo esta superior a 1,5 veces o valor estimado do



Grupos de Acción Local
do sector Pesqueiro
Seo de Fisterra Ría de Muros-Noia:
Costa Sostible



Cofinanciado pola
Unión Europea

contrato (10.200,00 €) e aportarán o recibo do último pago do seguro de responsabilidade civil para o desenvolvemento da mesma.

- Acreditarán a súa capacidade para contratar mediante unha declaración responsable e cumprimentando o anexo II A que acompaña a estas bases.
- Acreditarán así mesmo que non existe ningún tipo de vinculación coa entidade contratante.

Procedemento de contratación.-

Procedemento para a adxudicación de contratos para necesidades continuas dos Galps ou esporádicas con determinados valores estimados segundo Instrución 1/2023 para procedementos de contratación dos Galp do 21 de xuño emitida pola Dirección Xeral de Desenvolvemento Pesqueiro.

Orzamento base de licitación e valor estimado do contrato.-

O cálculo do orzamento base de licitación desta contratación realizouse tendo en conta os prezos habituais no mercado deste tipo de contratos, e tendo en conta o importe pagado polo Galp para o mantemento do servidor dos dominios rexistrados e a xestión de correos.

Orzamento base de licitación é de 200,00 euros mensuais (IVE Excluído).

O valor estimado do contrato é de 6.800,00€ (IVE excluído).

Criterios de Adxudicación e valoración .-

Para a valoración das ofertas presentadas atenderase aos seguintes criterios:

a) Oferta económica: (máximo 90 puntos).

Valoraranse con cero puntos aquelas ofertas que propoñan como prezo de adxudicación o orzamento base máximo de licitación establecido neste Prego

Valorarase con noventa (90) puntos a oferta que propoña o mellor prezo de entre as ofertas admitidas.

Partindo deste criterio de valoración, a puntuación outorgable ás restantes ofertas admitidas realizarase mediante un cálculo proporcional utilizando a seguinte fórmula:

$$\text{Puntos a} = 90 \times ([P_m - P_a] / [P_m - P_b])$$



Grupos de Acción Local
do sector Pesqueiro
Seo de Fisterra Ría de Muros-Noia:
Costa Sostible



Cofinanciado pola
Unión Europea

Sendo:

Puntos a = puntuación valoración económica da oferta “a”

Pm = orzamento base máximo de licitación (sen IVE)

Pa = prezo da oferta “a” (sen IVE)

Pb = prezo da oferta máis baixa das admitidas (sen IVE)

Quedarán excluídas do procedemento de adxudicación aquelas ofertas que superen o orzamento base máximo de licitación.

O contrato adxudicarase a entidade con maior puntuación segundo os criterios especificados no apartado anterior, no caso de empate nas puntuacións atenderase ao número de mulleres ou persoas con discapacidade que compoñen o equipo técnico asignado á contratación.co

b) Melloras ao prego: (10 puntos):

Valorarase como mellora o servizo de resposta ao usuario en menos dunha hora.

Prazo e forma de presentación.-

As propostas de oferta se axustarán aos pregos publicados e a súa presentación supón a aceptación sen condicións da licitación:

- Cada licitador presentará coa súa oferta, a declaración responsable do Anexo II A) que acompaña a estas bases.
- As proposicións dos interesados se presentarán nun mínimo de dous sobres pechados. No SOBRE A ou SOBRE 1, incluírase a documentación acreditativa do cumprimento de requisitos de capacidade e solvencia da empresa. Será causa de exclusión da licitación, introducir calquera información relativa ás características do contrato ou da oferta económica. No SOBRE C ou SOBRE 3, incluírase a documentación relativa aos criterios avaliáveis de forma automática. Na oferta económica especificarase o prezo por mes e o prezo total da contratación co IVA desagregado e a documentación acreditativa do cumprimento de criterios avaliáveis mediante fórmulas ou porcentaxes.



Grupos de Acción Local
do sector Pesqueiro
Seo de Fisterra Ría de Muros-Noia:
Costa Sostible



Cofinanciado pola
Unión Europea

As ofertas presentaranse na sede do Grupo de Acción Local do Sector Pesqueiro Seo de Fisterra Ría de Muros e Noia, sito en Edificio Administrativo Rúa Espírito Santo nº 4. 15200. Noia - A Coruña. Teléfono 981822754, en horario de atención ó público (8:30 a 15:00 horas), ou por correo certificado dirixido ao apartado de correos número 20 desta entidade sempre que se acredite a data de envío pola oficina de correos, dentro do prazo de 5 días hábiles contados a partir do día seguinte ao da publicación do anuncio de licitación no seguinte enlaces : <https://galp.xunta.gal/seo-fisterra-ria-muros-noia> , rematando o prazo de presentación o vindeiro 26 de febreiro.

Mesa de contratación, apertura de proposicións e proposta de adxudicación.-

- Constituirase, preceptivamente, unha Mesa de Contratación, encargada de formular a proposta de adxudicación do contrato, tras a apertura e valoración das ofertas presentadas polos licitadores.
- Unha vez transcorrido o prazo da presentación das ofertas a Mesa de Contratación reunirase no prazo máximo de quince días naturais para proceder á apertura do sobre A e comprobar a ausencia de conflito de interese por parte dos membros da Mesa cos distintos licitantes. No caso de darse esta casuística, os membros da Mesa que poidan estar incusos en conflitos de interese serán substituídos polos seus suplentes, que comunicarán no mesmo día á presidencia da Mesa a posibilidade de conflito de interese, de ser así; a Xunta Directiva do Galp procederá ao nomeamento dos membros necesarios no prazo de tres días hábiles.
- Unha vez constituída a Mesa de Contratación procederase á análise da documentación e a admisión das ofertas que cumpran cos requisitos de solvencia económica e técnica especificados nos pregos. Aquelas propostas que sexan obxecto de subsanación dispoñerán de dous días hábiles para aportar a documentación necesaria dende a data de comunicación.
- Posteriormente procederase, en acto público, á apertura do sobre C. A data de apertura será publicada no enderezo web. <https://galp.xunta.gal/seo-fisterra-ria-muros-noia>. no apartado correspondente a este procedemento con 48 horas



Grupos de Acción Local
do sector Pesqueiro
Seo de Fisterra Ría de Muros-Noia:
Costa Sostible



Cofinanciado pola
Unión Europea

de antelación co obxecto de proceder a avaliar o seu contido conforme aos criterios recollidos no presente prego. Para o contido do sobre C non procederá a posibilidade de subsanar a documentación quedando excluídas aquelas ofertas que non cumpran cos requisitos especificados no prego.

- Unha vez valoradas as ofertas, a Mesa de Contratación remitirá á Xunta Directiva do Galp a correspondente proposta de clasificación e adxudicación, na que figurarán ordenadas as ofertas de forma decrecente, incluíndo a puntuación outorgada a cada unha das ofertas por aplicación dos distintos criterios de adxudicación e identificando a mellor oferta puntuada. Dita proposta será publicada no enderezo web do procedemento e, transcorrido o prazo de 5 días naturais, de non existir alegacións por parte de ningunha das empresas licitantes procederase á subscrición do contrato por parte da Presidencia do Galp.

No caso de que algún dos licitantes presente alegacións á resolución de adxudicación efectuada pola Xunta Directiva do Galp, a Mesa de Contratación reunirse no prazo de dous días naturais, para dar resposta á Xunta Directiva do Galp das alegacións presentadas que emitirá nova resolución de adxudicación.

Documentación previa esixida ao licitador antes da adxudicación.-

Unha vez comunicada a adxudicación do contrato pola Presidencia do Galp, a xerencia requirirá ao adxudicatario para que, dentro do prazo de dous días hábiles, proceda a presentar a documentación xustificativa seguinte de conformidade co establecido neste prego con anterioridade:

- 1) Que a sociedade estea validamente constituída e que conforme ao seu obxecto social pode presentarse á licitación. Documentos que acrediten a personalidade do empresario e o seu ámbito de actividade.
- 2) Documentos que acrediten, no seu caso, a representación.
- 3) Xustificantes de non ter débedas de natureza tributaria co Estado nin coa Administración Autonómica de Galicia, nin débedas coa Seguridade Social.
- 4) Toda documentación que poida resultar necesaria para acreditar o cumprimento do Anexo IIA).



Grupos de Acción Local
do sector Pesqueiro
Seo de Fisterra Ría de Muros-Noia:
Costa Sostible



Cofinanciado pola
Unión Europea

A Mesa de Contratación verificará que o proposto como adxudicatario acredita documentalmente o cumprimento dos requisitos de participación esixidos.

De non cumprimentarse adecuadamente a presentación de toda a documentación indicada nos apartados anteriores e no prazo, entenderase que o licitador retirou a súa oferta, procedéndose nese caso para solicitar a mesma documentación do licitador seguinte, pola orde en que quedasen clasificadas as ofertas.

Duración do Contrato.-

O prazo para a execución dos traballos iniciarase ao día seguinte da formalización do contrato e terá a duración dun ano, podendo ser prorrogable anualmente previo aviso da entidade contratante, establecendo como data límite o 31 de decembro de 2026. A prórroga do contrato será obrigada para o contratista.

O contrato extinguirase pola súa conclusión ou cumprimento, ou ben pola súa resolución.

Determinación do prezo.-

A formulación da proposta económica ten carácter global, polo que inclúe todos os factores de valoración e impostos que se indiquen por razón do contrato.

En relación co Imposto sobre o Valor Engadido, terase en conta que na oferta do licitador deberá indicarse como partida independente.

Condicións do pago do prezo.-

O prezo será abonado pola entidade contratante mensualmente e previa presentación de factura, mediante transferencia bancaria.

Admisión de variantes e melloras.-

Non se admiten variantes ao establecido nos presentes pregos nin melloras distintas ás especificadas nos criterios avaliáveis de forma automática.

Causas de resolución do contrato.-

No caso de que estimase incumpridas as prescricións técnicas do contrato, o Galp Costa Sostible está facultado para esixir o seu cumprimento ou declarar a resolución do contrato.

Ademais o Galp Costa Sostible poderá acordar a resolución do contrato no caso de que concorra algunha das seguintes causas:

- a. A morte ou incapacidade sobrevida do contratista individual ou a extinción da personalidade xurídica da sociedade contratista, sen prexuízo do previsto no artigo 98 da LCSP relativo á sucesión do contratista.
- b. A declaración de concurso ou a declaración de insolvencia en calquera outro procedemento.
- c. O incumprimento do establecido no contido do traballo, por parte do contratista.
- d. O incumprimento das melloras especificadas por parte do contratista sempre que foran tidas en conta na valoración da oferta.
- e. O reaxuste da dispoñibilidade crediticia do Galp Costa Sostible, en función do ritmo da execución do programa de axudas.

Prego de prescricións técnicas

O Galp Costa Sostible actúa como entidade colaboradora da Consellería do Mar dende o ano 2011, sendo xa na data actual o terceiro programa de axudas que xestiona. A documentación dos distintos programas de axudas constitúe un activo importante o tratarse de proxectos financiados con fondos públicos, que require o seu período de custodia.

O equipamento informático do Galp componse de tres ordenadores de sobremesa e dous equipos portátiles, contando con tres traballadores que operan nestes equipos. A acumulación de traballo diario debe permitir o acceso á documentación dos programas dende os distintos equipos e permitir un traballo colaborativo entre os distintos usuarios, ao estar cada un deles encargado dunha función específica e ser a xerencia a que debe supervisar o traballo realizado nos distintos eidos, administración, técnico de proxectos. Segundo o convenio mencionado o Galp deberá utilizar a aplicación



Grupos de Acción Local
do sector Pesqueiro
Seo de Fisterra Ría de Muros-Noia:
Costa Sostible



Cofinanciado pola
Unión Europea

informática da Consellería do Mar para a xestión do programa de axudas, polo que compre a necesidade de facilitar o acceso á aplicación informática dende calquera lugar de traballo. Ademais o Galp conta con tres contas de correo electrónico da Asociación e ben asumindo o custe do servidor destes dominios e a xestión de correos.

Contido do traballo a realizar.-

Proxecto de implantación de solución Cloud para almacenamento de información e traballo colaborativo. Contempla a migración e reestruturación do activo de información, preparándoo para o traballo dos usuarios na nube, e a formación dos distintos usuarios.

O servizo ofertará unha ferramenta de oficina virtual, unha solución de traballo colaborativo destinada a almacenar, sincronizar e compartir ficheiros. Permitirá ter un espazo privado na nube para a súa organización, cunha interface cómoda e versátil, dende a que almacenar, estruturar e xestionar a documentación de forma compartida, con control de acceso, usos restrinxidos e copias de seguridade.

A solución debe contar coas seguintes características clave:

- Almacenamento centralizado en centro de datos.
- Espazo configurado ad hoc na nube para almacenar e compartir arquivos nun contorno privado protexido.
- Acceso flexible. E compatibilidade con dispositivos móbiles.
- Funcións de calendario e axenda.
- Acceso protexido. Control de accesos, copias de seguridade, historial de copias e supervisión.
- Deseño do ecosistema e estrutura, migración de datos e parametrización segundo as características do activo de información existente
- Capacidade de cifraxa seguro, control de accesos e configuración da monitorización de documentos.
- Hosting asociado para a xestión de dominios e correo electrónico corporativo.

Ademais o servizo contratado realizará as labores de mantemento e soporte microinformático aos usuarios en horario laboral e facilitará unha copia da documentación unha vez rematado o contrato de servizo.

Funcións e obrigacións do adxudicatario.-

Como resultado, o adxudicatario implantara a solución cloud de traballo colaborativo e realizará o mantemento micro informático dos usuarios.

O adxudicatario obrígase a manter a confidencialidade da información á que poida ter acceso en función dos traballos descritos nos presentes pregos, antes, durante e despois do desenvolvemento dos mesmos e o cumprimento do plan de traballo especificado nos presentes pregos.

Os presente pregos foron aprobados pola Xunta Directiva do Galp Costa Sostible na súa reunión do 29 de setembro, posteriormente ao nomeamento da Mesa de Contratación que formulará proposta de adxudicación deste procedemento. Os membros da Mesa de Contratación e a Presidencia do Grupo non estiveron presentes no momento da aprobación deste documento.

Muros 19 de Febreiro de 2024

Daniel Formoso Moledo

Presidente Galp Costa Sostible